



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Fasti Mariani Cum Divorvm Elogiis In Singvlos Anni Dies Distribvtis**

**Brunner, Andreas  
Pfeffer, Wilhelm**

**Antverpiæ, 1637**

S. Galganus C. 3. Decembris.

**urn:nbn:de:hbz:466:1-44055**

dringentorum aureorum assēm alienæ miseræ donasse. Laudavit tam bene clausam à Mīmo fabulam THEODVLVS, & lætus iterum conscendit columnam suam, paulò post ex hâc in vicinum cælum transcendit. *Ex Mensis.*

*Initium omnis peccati & causa totius perditionis superbia: propterea quisquis es, qui salutem tuam operari studes, adversus hanc signum crucis super caput tuum habere memento, ut non eleveris in superbiam, ut non exaltetur cor tuum. S. Bern. serm. 2. de S. Andr.*

S. GALGANUS C. 3. Decembris.

**V**oluptatibus primò GALGANVS militavit, tum Christo, D. Michaëlis ductu, qui tertio dormientem monuit, è veterno ut surgeret, & cum somno vitia excuteret. At ut porrò malè dormiret, mater & amici thalamū obtrudere laborabant virginis formâ & divitiis inclytæ. Ad hanc cum visum iret, equiti suo frenū equus iniecit, contraque omnia calcaria contumax pedem proferre medio in itinere negavit, disertè tandem cum asinâ Balaami locutus, quò minus progrediretur, ab Angelo se prohiberi. Contra tot stimulos calcitrare cum equus non posset, neq; homo jam voluit, sed damnatis nuptiis, eo ipso in monte (in quo & equi & miraculi vestigia hodieque visuntur) castra sua novus miles, hoc est, cellam posuit, primumque trophæum de se, crucem inquam ex ense suo inibi defixit. Pugnatum deinde sæpius, & sæpius orcus fugatus. Illud plenum periculis prælium fuit, cum proditum à venatore (ei vestes suas GALGANVS & equum dederat) inopinantē mater & sponsa oppresserunt. Constitit tamen sibi, & tunc etiâ victor matrē Deo se dedere, sponsam

sponsam etiam castitati, potentissimis verbis coëgit. Exinde cum Romam profectus fuisset, qui casam Divi exusserunt hostes, malè omnes perierunt, & id ipsum Pontifici, cum fieret, Romæ GALGANVS narravit. Redux deinde ad beatam missionem illis verbis à DEO vocatus est: *Satis est quod laborasti; metes nunc quod seminasti.* Quin igitur & tu laboras, nec parcâ manu rectè facta feminas? Ibi certè falcem suam in alienam messem nemini licebit mittere. *Ex Ferrar.*

*Laqueus est mundus, qui voluptatibus & opibus, velut escis, objectis, allicit atque capit incautos, & secum trahit in nassam interitûs. Vnde vix possibile videtur, ut, qui mundi legibus vivit, immaculatus hinc emigret.* Hugo Philonius de Scient. bene mor.

S. ANNO EPISC. 4. Decembris.

**A**NONEM à puero pater suis, hoc est militariis, studiis imbuat. Abhinc avunculo auctore à Marte ad Musas honestissimâ defectione, transivit. Jam Musæ commendarunt Henrico III. Imp. qui eum inter Palatinos suos adlectum mox infulâ Colonienfî donavit. Hâc ornatus ad concionem numquam sine lacrimis auditus est; quod suis ille signum veluti omnium singulibus daret. Divitiis cum afflueret, sæpè tamen nec obulum ipse, omnia pauperes habebant, quos ille velut thesauros suos (& erant) secum circumducebat, pater idem horum, & mater pupillorum. Ædes xenodochii unas, monasteriorum condidit & amplissimè dotavit quinque, non morituras filias. Libertatis Ecclesiasticæ egregius propugnator infulam nulli, neque adeò, a quo eam acceperat, Cæsari submittebat, juris quàm vitæ appetentior. Sed